



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA
Dirección Xeral de Educación,
Formación Profesional e Innovación Educativa



***CONVENIO DE COLABORACIÓN ENTRE A CONSELLERÍA DE CULTURA,
EDUCACIÓN E ORDENACIÓN UNIVERSITARIA, E A FUNDACIÓN PAIDEIA
GALIZA PARA A REALIZACIÓN E PROMOCIÓN DE ACTIVIDADES DE
CARÁCTER EDUCATIVO, SOCIAL E CULTURAL EN CENTROS EDUCATIVOS***

MEMORIA XUSTIFICATIVA

O director xeral de Educación, Formación Profesional e Innovación Educativa,
DECLARA:

Que esta dirección xeral ten previsto formalizar coa Fundación Paideia Galiza o instrumento convencional arriba referido que entrará en vigor o día seguinte ao da súa sinatura e estenderá a súa vixencia durante o curso escolar 2016-2017, e será renovable automaticamente por cursos escolares.

Que o instrumento convencional ten por obxecto:

Posibilitar que as institucións asinantes poidan colaborar no desenvolvemento de actividades da Fundación Yehudi Menuhin España (FYME), con fins educativos, sociais e culturais, que favorezan a integración escolar de todo o alumnado que por razóns persoais ou sociais poida chegar ás escolas en situación de desvantaxe, para o cal a Fundación Paideia Galiza subscribirá os correspondentes acordos de colaboración coa dita fundación onde se recollerá o centro educativo no que se impartira o programa, as actividades a desenvolver e as obrigas que asuman ambas institucións.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

A Consellería de Cultura, Educación e Ordenación Universitaria considera que todo sistema educativo de calidade debe ter entre os seus obxectivos ofrecer unha resposta idónea á diversidade do alumnado, derivada da evolución da sociedade plural nas súas crenzas e conviccións, e que esixe formular novos retos sociais, traballando en liñas que contribúan á solidariedade e á compensación de desigualdades e, deste modo, impulsar un proceso que





XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA
Dirección Xeral de Educación,
Formación Profesional e Innovación Educativa

galicia

permita unha mellor integración escolar do alumnado en situación de desvantaxe sociocultural, contribuíndo a facer efectiva a igualdade de oportunidades, compensando as desigualdades, sexan estas de orixe persoal, étnico, social, económico ou de calquera outro tipo.

A Fundación Paideia é unha entidade sen ánimo de lucro, que ten por obxecto, entre outros a promoción e realización de actividades de interese educativo e cultural, estando interesada en promover actividades formativas, dirixidas a colectivos socialmente desfavorecidos ou con risco de exclusión social.

As entidades anteriores coñecen o labor realizada pola Fundación Yehudi Menuhin España (FYME), a cal orienta os seus proxectos ao fomento das artes (especialmente a música, a danza, o teatro e as artes plásticas) como medio de favorecer a integración das nenas e nenos desfavorecidos, como forma de previr a súa exclusión e marxinación social, fomentando ao mesmo tempo o respecto e a tolerancia entre os pobos, a través de accións que permitan previr a violencia e fomenten a convivencia entre as diferentes culturas, para o cal utiliza o programa MUS-Y, co obxectivo de promover actuacións para que as artes sexan unha fonte de equilibrio, de tolerancia e convivencia, que axude a superar as situacións de exclusión.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no texto refundido da Lei de contratos do Sector público, aprobado polo Real decreto legislativo 3/2011, do 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela a 27 de xullo de 2016.

